

b. Við sölu:

169

31. ágúst

1. Fasteignir og skip:

Af upphæð þeirri, er uppboðshaldari innheimtir eða innheimtist fyrir fyrir hans atbeina greiðir kaupandi

af fyrstu 100 000 krónum	3%
af næstu 400 000 krónum	2%
af fjárhæð þar yfir	1%

Þessi gjaldskrá gildir og þótt eign sé lögð út, sbr. 32. gr. uppboðslaganna.

2. Lausafé:

Innheimtugjald frá kaupanda:

a. Með gjaldfresti	6%
b. Við staðgreiðslu	3%

Innheimtugjald frá seljanda:

a. Með gjaldfresti — uppboð undir 3 þús. kr.	6%
frá 3—10 þús. kr.	5%
yfir 10 þús. kr.	4%
b. Með staðgreiðslu	4%

Innheimtulaun samkvæmt þessari grein skal þó eigi greiða af þeim hluta uppboðsandræðis, sem kaupandi tekur undir sjálfum sér, áfram stendur veðtryggt í eign eða kaupandi og kröfuhafi semja um greiðslu á án nokkurs atbeina þess, er innheimtu annast.

Þessi gjaldskrá gildir og við frjáls uppboð, ef eigi er um annað samið.

Dómsmálaráðuneytið, 31. ágúst 1951.

Bjarni Benediktsson.

Ragnar Bjarkan.

G J A L D S K R Á

170

4. sept.

fyrir Rafveitu Hellissands.

I. RAFORKA

Rafveita Hellissands selur raforku á þann hátt og við því verði, sem hér segir:

- a. **Almenn heimilisnotkun.** Um einn kwst.mæli fyrir alla notkun á heimilinu á kr. 1.60 hver kwst. Auk þess skal greiða fastagjald, 4 kr. á mánuði af hverju herbergi í íbúð.

Til herbergja í íbúð skal telja öll herbergi, sem ætluð eru sem íbúðarherbergi og eldhús, en ekki ganga, baðherbergi eða geymslur. Herbergi, sem er minna en 5 m², skal reikna sem hálf, en stærra en 25 m² sem tvö.

Af verzlunar- og skrifstofuhúsnæði og sjóhúsum greiðist hálf fastagjald af herbergjum.

Óheimilt er að nota fasttengd rafmagnsáhöld til suðu eða hitunar, svo sem eldavélar og fasttengda ofna, nema að fengnu leyfi rafveitunefndar, og má

170
4. sept.

rjúfa straum til slíkra tækja, hvenær sem álagið verður of mikið á vélaaflið að dómi vélstjóra rafveitunnar.

- b. **Vélanotkun.** Um kwst.mæli á 80 aura hver kwst. Hafi vélarnar mjög stuttan notkunartíma má krefjast minnsta árgjalds, kr. 100.00 á hvert uppsett kw. vélanna.

Skilyrði fyrir raforkusölu til véla er, að vélaafl rafstöðvarinnar þoli álagið að dómi vélstjóra rafveitunnar.

- c. **Önnur raforkunotkun.** Gjald fyrir raforku til götulýsingar ákveður hreppsnefnd, að fengnum tillögum rafveitunefndar.

Heimilt er rafveitunefnd, þegar sérstaklega stendur á, að gera sérsamninga við rafmagnsnotendur um sölu á raforku, þó eigi lengur en um eitt ár í senn.

II. MÆLALEIGA

Leiga af mælitækjum skal vera sem hér segir: Af einfasa mælum 30 amp. og minni kr. 2.00 á mánuði. Af þrífasa mælum kr. 5.00 á mán. Af öðrum mælitækjum skal ársleiga vera sem næst 20% af verði mælitækjanna. Leigan skal innheimt um leið og gjald fyrir raforku.

III. HEIMTAUGARGJALD

Fyrir hverja húsveitu, sem tengd er við rafveitukerfið á Hellissandi, skal greiða í stofngjald kr. 400.00 og að auki 1% af brunabótamati þess húss, sem við er tengt.

Gjald þetta er miðað við loftlínu að gildleika 25 mm² eða grennri og allt að 60 metra að lengd. Fyrir jarðstreng af sama gildleika skal greiða heimtaugargjald, sem sé 20% hærra, enda sé hann ekki lengri en 25 metrar. Húseigandi greiðir allan kostnað af því, ef heimtaug er gildari eða lengri en að framan greinir.

Gjald þetta greiðist með afborgunum eða í einu lagi og skal það að fullu greitt innan sex mánaða frá því að raforku var veitt í húsið.

IV. OPNUNARGJALD

Loka má fyrir straum til veitu rafmagnsnotanda, þegar hann gerist brotlegur við reglur rafveitunnar, svo sem með því að:

- greiða ekki gjöld sín til rafveitunnar,
- nota óleyfileg eða of stór vör, og
- nota rafmagnstæki, sem ekki má nota án leyfis rafveitunefndar, án þess að hafa fengið slíkt leyfi, og öðru því líku.

Ekki má endurofna fyrir veitu, fyrr en bætt hefur verið úr þeim ágöllum, sem leiddu til lokunarinnar, og notandinn greitt kr. 30.00 í opnunargjald til rafveitunnar.

V. ÝMIS ÁKVÆÐI

Öll gjöld fyrir raforku samkv. a-, b- og c-lið gjaldskrárinnar greiðist eftir á, þegar eftir hvern mælaálestur.

Ef gjöld samkv. gjaldskrá þessari eru ekki greidd áður en mánuður er liðinn frá gjalddaga, er heimilt að rjúfa samband notandans við rafveituna, eftir skriflega aðvörðun. Ekki fellur niður fastagjald af herbergjum fyrir þann tíma, sem lokað hefur verið fyrir húsveitu vegna vanskila eða brota á reglum rafveitunnar.

Öll gjöld samkvæmt gjaldskrá þessari má taka lögtaki á kostnað gjaldanda.

Hreppsnefnd er heimilt að hækka eða lækka gjöld, sem ákveðin eru í þessari 170 gjaldskrá, um allt að 20%, án sérstakrar staðfestingar ráðuneytisins, enda sé breyt- 4. sept. ingin auglýst í Lögbirtingablaðinu, áður en til hennar kemur.

Gjaldskrá þessi, sem hreppsnefnd Neshrepps hefur samið og samþykkt, staðfestist hér með samkvæmt vatnalögum, nr. 15 20. júní 1923, og raforkulögum, nr. 12 2. apríl 1946, til þess að öðlast gildi þegar í stað, og birtist til eftirbreytni öllum þeim, sem hlut eiga að máli.

Atvinnumálaráðuneytið, 4. september 1951.

Hermann Jónasson.

Þorv. K. Þorsteinsson.

AUGLÝSING

171

12. sept.

um breyting á gjaldskrá nr. 123 14. september 1946, fyrir flugvöllinn í Reykjavík og flughöfnina í Skerjafirði.

1. gr.

Í stað 2. mgr. í 1. Lendingar- og hafnargjöld, sem er svo hljóðandi: „Fyrir lendingar á sjó greiðast $\frac{2}{3}$ ofangreindra gjalda“ komi: Fyrir lendingar á sjó skal greiða sama gjald og að framan greinir fyrir lendingar á landi.

2. gr.

Gjaldskrárbreyting þessi öðlast þegar gildi.

Gjaldskrárbreyting þessi er sett samkvæmt 4. gr. laga nr. 119 28. des. 1950, um stjórn flugmála, og birtist til eftirbreytni öllum þeim, sem hlut eiga að máli.

Samgöngumálaráðuneytið, 12. september 1951.

Björn Ólafsson.

Páll Pálmason.

REGLUGERÐ

172

14. sept.

fyrir vatnsveitu Kópavogshrepps.

1. gr.

Hreppsnefnd Kópavogshrepps hefur einkaleyfi til reksturs vatnsveitu og sölu vatns á svæði því, sem vatnsveitan nær yfir og hún getur fullnægt.

2. gr.

Frá vatnsæðum vatnsveitunnar má enginn leggja vatnsæðar, nema með leyfi hreppsnefndar eða þess aðila, sem hún felur umsjón vatnsveitunnar og eftirlit með henni.

3. gr.

Hreppsnefnd fer með yfirstjórn vatnsveitunnar. Heimilt er henni að ráða sérstakan umsjónarmann, er hafi eftirlit með vatnsveitukerfinu. Hreppsnefnd hefur